

**Түйін**

Мақалада көпжакты дипломатия мен халықарлық ұйымдарға қатысты теориясының мәселелері қарастырылады.

**Резюме**

Статья освещает вопросы теории многосторонней дипломатии и международных организаций.

УДК 327 (574)

**ҚАЗАҚСТАН РЕСПУБЛИКАСЫНЫҢ ПРЕЗИДЕНТІ Н.Ә. НАЗАРБАЕВ  
ОТАН ТАРИХЫНЫҢ ӨЗЕКТІ МӘСЕЛЕЛЕРИ ТУРАЛЫ**

**Т.Ә. Нұрпейіс – т.ә.к., «Халықаралық қатынастар» кафедрасының оқытушысы**

Қазақстан Республикасы Президентінің халыққа алғашқы жасаған Жолдауы «Қазақстан-2030» даму стратегиясы бағдарламасынан бастап биылғы жылғы «Қазақстан-2050» Стратегиясы: калыптаскан мемлекеттің жаңа саяси бағыты» деп аталатын Қазақстан халқына Жолдауына дейін тікелей үндестік пен байланыс бар.

«Қазақстан-2030» стратегиясы бізге өте қын экономикалық, әлеуметтік жағдай кезінде қабылданғаны мәлім. Бұл стратегиялық құжат әсіресе, көптің ойынша, идеологиялық, психологиялық дағдарыс кезінде жолданған еді. Сол себепті бұл стратегияға қоғамның көп бөлігі сенімсіздікпен, құмәнмен, құдікпен қараған болатын. Бұл занды да еді. Өйткені мұның алдында ғана халықтың санасына сінірліген коммунистік идеология сағымдай жоғалып кетті, жарқын болашақ болады деген сенім күйреді, ғайып болды. Адамның, халықтың санасына тиғен осындаидай идеологиялық ауыр соққыдан кейін 2030 жылға қарай жарқын келешек, дәулетті де сәулетті өмір орнайды дегенге сендіру өте қын іс еді.

Алайда, егер «Қазақстан-2030» стратегиясының кіріспесіне назар аударатын болсақ, онда «Отken күннен алыс жоқ, келер күннен жақын жоқ» деген қазақтың халық мақалымен басталады.

Ал қазіргі уақытта халықтың, жастардың санасында «Қазақстан – 2030» стратегиясына деген сенім берік орнады деп айтуға болады.

Өйткені онда жазылған керемет идеялар, көнілге үміт ұялататын тұжырымдар нақты істермен жүзеге асырылып отырганына халықтың көзі жете бастады.

Елбасы Нұрсұлтан Әбішұлы Назарбаев әр түрлі деңгейде сөздерінде, осы кезге дейін жарияланған оннан астам кітаптарында тәуелсіз Қазақстанның өмір шындығына сай жаңа тарихын жазуга және сол арқылы халқымыздың жаңа тарихи санасын қалыптастыру ісіне әрдайым назар аударуда. Ол өткен тарихын білмеген, өзінің ұлттық қасиеттерінен айырылған халық қасіретке ұшырайтындығы туралы, өзінің жақсысы мен жайсанын сыйламаған адам басқаларға құрметті бола алмайтындығы жөнінде, өткенге тас атқан бейбакта келешек қарғыс жаудыратыны хақында терең тұжырымдар жасады.

Н.Ә. Назарбаевтың отан тарихын терең зерделеген еңбектері қатарында 1996 жылы «Өнер» баспасынан жарық көрген «Ғасырлар тоғысында», 1999 жылы «Атамұра» баспасында жарияланған «Тарих толқынында» атты көлемді кітаптарын, 1998 жылы «Егемен Қазақстанда» жарық көрген «Жадымызда жатталсын, татулық дәйім сақталсын» деген мақаласын, одан кейінгі жылдарда оқырмандарға ұсынылған «Сындарлы он жыл», «Бейбітшілік эпицентрі», «Еуразия жүргегінде» т.б. шығармаларын бірінші кезекте атаяға болады. Н.Ә. Назарбаев кітаптары, американдық жас ғалым Гарварт университетінің аспиранты Сюзан Сипко дәл басып айтқандай, тарихи шығарма емес, бірақ ол кітаптарында тарихты өзек етеді, автор қазақ пен тарихты бөле-жармайды /1/.

ҚР Президентінің 2011 жылғы Қазақстан халқына жолдауында да Қазақстанның арғы-бергі тарихын, Тәуелсіз Қазақстанның қазіргі жағдайы мен келешегі туралы ой-толғаныстар молынан кездеседі. Осы еңбектерінде Н.Ә. Назарбаев баршамызды тарихтан үйренуге: кешегі өткен жолымыздан бүгінгі үшін сабак алуға, бүгінімізді әділ бағалауга, ал бүгініміздің тәжірибесінен келешегімізді болжап, анықтауға шақырды. «Ғасырлар тоғысында» еңбегінің жанрын оның «Болашақ туралы естелік» деп анықтауы да сондықтан. Бұл кітаптың көтеріп тұрған негізі идеясы өткен тарихмызды ертеңгі күннің, болашақтың

*Абай атындағы ҚазУПУ-нің Хабаршысы, «Халықаралық өмір және саясат» сериясы, №3(34), 2013 ж түрғысынан түсініп, бағалайық дегенге саяды. Ал «Тарих толқынында» Н.Ә. Назарбаевтың оқырманмен тарих қойнауына үңіле отырып сырласуды, сырласа отырып тағы да тағылым алуды негізгі мақсат етіп қойған. Осы басты мақсат айтылмыш кітаптың «Ұлттық келбетті ұлықтайылқ», «Қазақ даласы – ұлы түрік елінің қара шаңырагы», «Мәдениет келешегі», «Алаш мұрасы және осы заман», «Ұлттық бірегейлік тура-лы», «Тоталитарлық тәртіп пен ұлттық ұғымдар», «Орталық Азияның тәуелсіз мемлекеттері және тарих тағымдары», «Тарихтың шенберлері және ұлттық зерде» аталған сегіз тарауы бойынша көрініс тапқан.*

«Жеті атасын білмейтін ер жетесіз, жеті ғасыр тарихын білмейтін ел жетесіз»/2/ деген казақтың дана мақалымен қорытындылатын бұл кітап, елдің өртөндік ойлаған диірменнің тасындашыры айналған тарих тағылымдарын он екі кезеңге бөліп, тағы бір қайтара түйіндеуімен аяқталады. Елбасының жоғарыда айтылған еңбектеріндегі отандық тарихқа байланысты ой-толғаныстары Қазақстанның жаңа шынайы тарихын жасауға, оны насиҳаттауға және солардың нәтижесінде халқымыздың, ең алдымен жастардың, жаңа тарихи санаасын қалыптастыруға шешуші ықпал етті.

Қазақстанның жаңа, шынайы тарихын жазуға батыл кірісуге еліміздің тәуелсіздікке қол жеткізуі қолайлар жағдайлар туғызыды.

Тәуелсіздіктің қарсаңы мен оның алғашқы жылдары тарихи тақырышқа қалам тартушылар саны көбей-ді. Өйткені Кеңес өкіметі өмір сүрген 70 жылдан астам уақытта біздің Отандық тарихымыз, яғни қазақ тарихы көп жағдайда тек патшалық Ресейдің, одан кейін Кеңес одағы тарихының кішкене бір бөлшегі ретінде қарастырылды да, өзіміздің ұлттымыздың толыққанды тарихы жазылмады. Жалпы, мектептер мен жоғары оку орындарында ондаған жылдар бойы КСРО тарихы (шын мәнінде Ресей патшалығының тарихы) оқытылып келді, ал Қазақстан мен Орта Азия халықтары тарихына ол оқулықтарда бірер сағат-тық қана орын берілді. Осыған байланысты «қайта құру», «жаңа ойлау» деген жағдайлар қалыптаса бастаған кезде көптеген адамдар тарих мәселесіне қалам тартты. Өйткені бұрын айтуға болмаған нәрсе-лерді айтуға, жазуға болмаған мәселелерді жазуға мүмкіндік туды. Сондықтан да тырнақшаның ішіне алтып айтқанда, «тарихпен ауру» басталды. Осыдан келіп кәсіби тарихшылар, гуманитарлық саланың басқа да өкілдері: әдебиетшілер, өнертанушылар, экономистер, журналист ағайындар тарих мәселелеріне онды-солды қалам сілтеді. Бұл тарихи шындық еді. Ал Кеңестік дәүірден тәрбие алған, әсіресе партия тарихын өз мамандығы ретінде таңдап алған тарихшылардың басым көпшілігі дағдарысқа ұшырап, не істерлерін білмей қалды. Осы кезде көпшілікке арнап өткір, көсемсөз мақала жазушы ағайындар, ең алдымен, журналист ағайындар алғы шепке шықты. Солармен қатар біздің аға буын өкілдері сол кезде зейнеткерлікте болған апа-ағаларымыз да тарих мәселесімен шұғылданды. Біреулері асырып айтып жатты, екіншілері жеткізбей айтып жатты. Бірақ осы құбыльстың өзі жалпы алғанда тарихи санааны жандандыруға, қалпына келтіруге онды әсер етті.

Ал тәуелсіздік қарсаңында, тәуелсіздіктің алғашқы жылдары дағдарысқа ұшыраған кейбір кәсіби тарихшылар біраздан кейін, «естерін жиып, етегін жапқан» жағдайға келді.

Кеңес өкіметі өмір сүрген 70 жылдан астам уақыт біздің отандық тарихымызда «социализм кезеңі» деген атпен қалды. Оны тарихтан құштеп өшіре алмаймыз, олай етудің қажеті де жоқ. Өйткені ел үшін үміт пен күдікке, қуаныш пен ренішке, жеңіс пен жеңіліске толы Кеңестік кезеңде орын алған кез келген айтулы оқиға оның тұрғындарының бірде-бірін айналып өткен жоқ. Қазақстан тұрғындары (КСРО-ның құрамында болған басқа халықтармен бірге) 1917 жылғы кос революцияны да, оған жалғасқан азамат соғысын да, ауыл шаруашылығын ұжымдастыруды да, көшпенделірді зорлап отырықшыландыруды да және солар тудырган ашаршылық пен бостандықты да, тез қарқынмен жузеге асырылған (ең алдымен шаруалар бұқарасы есебінен) елді индустріяландыруды да, Кеңес одағын мекендеген жекелеген халықтарды (немістерді, кәрістерді, шешендер мен ингуштарды, балкарларды т.б.) Қазақстанға құштеп көшіру ыланында, бүкіл елмен бірге канқұйлы фашизмге қарсы қресті де бастан өткізді. Осының барлығы жаппай саяси құғын-сүргінмен қатар жузеге асырылған КСРО-да сталиндік нұсқадағы социалистік қоғам орнату ісін қамтамасыз етті.

Реті келгенде айта кетейік: социализм идеялары теория жузінде сан ғасырлар бойы адамдардың жақсылыққа ұмтылған армандарының көрінісі еді. Сондықтан да халық бұқарасының басым көпшілігі елімізде сол идеяларды жүзеге асыру үшін, тұған еліміз бен өлкеміздің экономикалық құш-қуатын нығайту, мәдениетін дамыту, халықтың әл-ауқатын арттыру жолында жасампаздық еңбек етті, өздері сенген идея негізінде құрылды деп фашистік Германия соғыс ашқанда өздерінің ортақ Отаны саналған Кеңес Одағын корғау үшін сан мындаған аға буын өкілдері майдан шебі мен жау тылына аттанып, кеуделерін оққа тосты.

Алайда кеңес дәүіріндегі тарихымыз қарама-қайшылыққа толы қурделі тарих болды. Өйткені социализм идеяларына байланысты халықтың жақсылыққа ұмтылған армандары Кеңес одағында көрініше,

қарам-қарсы мазмұнда іске асырылады. Елде орнаған тоталитарлық мемлекет қогамның табиғи даму заңдылықтарына қайшы келетін және оның өмірінің барлық саласын қамтитын, іс жүзінде халыққа қарсы бағытталған эксперименттер жасады. Оның нәтижесінде 1917 жылдан кейін Кеңес империясының құрамында болған қазақ халқы, республикамыздың барлық енбекшілері қылыш-қылыш кезендерді бастаң кешті. Жалпы өркениеттік, адамзаттық өлшеммен бағаласақ, айтылмыш кезеңде қазақ халқының қуанышынан да тартқан қасіреті көп болды. Сталиншілдік, әкімшілік-әміршілдік жүйенің ұйымдастырылған зобалаңы қазақ халқын тарих сахнасынан кетіре жаздады.

Дей тұрсақ та, тарих қойнауына енген XX ғасырды, есірепе 1917 жылғы Қазан революциясынан кейінгі 73 жылды, Қазақстан үшін, оның халқы үшін тек қана босқа кеткен кезең деуге болмайды. Бұл туралы Н.Ә. Назарбаев «Жадымызда жатталсын, татулық дәйім сақталсын» деген еңбегінде былай деп орынды жазды: «өз басым Қазан революциясынан кейінгі жылдар біз үшін текке өткен жоқ деген байlam жасадым. Материалдық өндіріс жүйесін түбірінен жаңарту, адамдардың білім деңгейінің күрт өсуі, қогамның түрлі әлеуметтік топтарының арасындағы қарым-қатынастарды жақсарту, фашистік індектек қарсы ұзақ алапат соғыста жеңіске жету, гарышқа самғау – мұның бәрін өзіміздің тарихи жүгіміздің асылына жатқызған жөн». «Дәл осымен бір мезгілде, осымен тұспа-тұс, – дейді одан әрі Н.Ә. Назарбаев, – «еліміздің ат төбеліндей билеушілері мен олардың жер-жердегі әулекі жандайшаптары өз халқына қарсы бағытталған әділдікке жатпайтын істер тындырығанын қайтерсің» /3/.

Осының бәрі азаматтық қарама-қарсылыққа толы, шуакты сәттерінен қасіретті күндері мол XX ғасырдың соны қазақ халқына, Қазақстанды мекендерген басқа халықтар өкілдеріне ұлы итілік сыйлады. Ол 1991 жылғы 16 желтоқсанда Қазақтанның мемлекеттік тәуелсіздігінің жариялануы еди.

Республика Президенті ұлттық тарихты зерделеу қысқа мерзімді науқан түрінде емес, тұрақты түрде және табанды мақсаткерлікпен жүргізу қажеттігін қадап айтты. Қазақстан тарихы әлемдік тарихтың құрамас бөлігі ретінде әрі оны мекендерген қазақтар мен басқа барлық халықтар өкілдерінің тарихы тұрғысынан зерттеліп, оқытылуына қажет екендігін нақты айтты.

Отан тарихына байланысты осындағы келелі міндеттерді дұрыс шешу үшін ең алдымен, тәуелсіз Қазақстан Республикасында жаңа тарихи сана қалыптастырудың тұжырымдамасын (концепциясын) жасау қажет болды. Бұл тұжырымдаманы жасауға Ұлттық ғылым академиясы Ш.Ұәлиханов атындағы Тарих және этнология институтының, Ә.Марғұлан атындағы археология институтының жетекші ғалымдары мұрындық болды да, осы күрделі де жауапты іске әл-Фараби атындағы Ұлттық университеттің, Абай атындағы Қазақ ұлттық педагогикалық университеттің жекелеген тарихшы ғалымдары тартылды. Сонымен қатар ҚР Ұлттық ғылым Академиясының Қоғамдық және гуманитарлық ғылымдар бөлімшесіне қарайтын Р.Б. Сүлейменов атындағы Шығыстану, А.Байтұрсынов атындағы Тіл білімі, М.Әуезов атындағы Әдебиет және өнер, Философия және саясаттану институттарының әріптестеріміздің салиқалы ақыл-кеңестері мен ұсныстары да ризашылықпен қабыл алынды. Осы жауапты істің басы-қасында Тарих және этнология институтының сол кездегі директоры академик М.Қ. Қозыбаев, академик К.Н. Нұрпейіс жүрді.

Елбасы құлтаган «Қазақстан Республикасында тарихи сана қалыптастырудың тұжырымдамасына» сәйкес соңғы жылдары тарихшылар қауымы біраз табыстарға қол жеткізді.

1996 жылдан Қазақстан тарихының көне замандардан бүгінге дейін академиялық бес томдық тарихы шығарыла бастады. Әзірge осы қорытынды еңбектің алғашқы үш томы жарық көрді. Оқырмандардың қолына тиғен алғашқы үш томы негізінен ҚР ҰҒА-ның Ш.Ұәлиханов атындағы Тарих және этнология, Ә.Марғұлан атындағы археология институттарының күшімен дайындалды. Бұл жұмысқа сонымен қатар ҰҒА-ның қоғамдық және гуманитарлық ғылымдар бөлімшесінің, басқа институттардың, республикамыздың кейбір жоғарғы оку орындарының, Мәскеу мен Санкт-Петербург қалаларының жекелеген ғалымдары ат салысты. Бірінші том көне заманнан XIII ғасырға дейінгі кезеңді, екінші том соңғы орта ғасырлар дәуірі (XIV-XVII ғасырлар), ал үшінші том Қазақтанның жаңа замандағы XVIII-XX ғ-дың бас кезі) тарихын қамтиды. Қазақстан тарихының кеңестік кезеңін қамтитын төртінші және Тәуелсіз Қазақстан тарихына арналған бесінші томдар жазылып бітіп, баспаға беруге даярлануда.

Адамдардың жаңа тарихи қауымдастыры кеңес халқын қалыптастыру ұранынының аясында жүзеге асырылған бұрынғы «коммунистік идеологиялық» ұстанымдар «КСРО тарихы» атты окулықтарда, бұқараның ақпарат жүйесінде, пионер, комсомол, коммунистік партия, кәсіподақ ұйымдары аясында тұрақты түрде, табанды мақсаткерлікпен насиҳатталып, бұқараның санасына мықтап сінірілді. Осындау уланған, жараланған санадан арылу нақтылы айтсақ, тарихи зерттеулер мен окулықтардан бірден немесе аса қысқа мерзімде арылу оңай болмайды... Осындау себептерден туындаған кемшіліктердің бірін 2004 жылғы 12 казан күні Республикалық білім және ғылым қызметкерлерінің III-съезінде сөйлеген сөзінде Н.Ә. Назарбаев жеріне жеткізе айтты. «Біздің республиканың кеңестік, сондай-ақ кеңестік кезеңге дейінгі дәуірі де, – деді ол, – бұрынғысынша коммунизм ұфымы және «партиялық ұлы қайраткерлер» қызметі

Жаңа тарихи сананы қалыптастыруда және тарихи-зерттеу жұмыстарына белгілі деңгейде жаңа серпін беруде жүзеге асырылып жатқан «Мәдени мұра» бағдарламасы оңды қызмет атқаруда. Айтылмыш бағдарлама қазақтың терең мағыналы, кең көлемді мәдениетін жан-жақты танып білу үшін аса пайдалы шара болды. Бұл бағдарлама әр түрлі тарихи, саяси және идеологиялық себептермен ұмыт болған немесе ұмыттырылған көптеген мәдени ескерткішіміз бен жәдігерлерімізді қайтадан танып-білуге, жадымызда жаңғыртуға көмектеседі. «Мәдениет» деген ұғымның аясы тек қана оқу-агарту ісі, ғылым мен өнермен анықталатын тар шеңберге сыймайтыны, оны кең көлемде анықтасақ, «мәдениет» ұғымы әр түрлі тарихи кезеңдерде қогам мен адамның жасампаздық енбегі нәтижесінде қалыптасадын материалдық және рухани жетістіктерінің жиынтығы болып табылады. Біздің халқымыздың аргы-бергі тарихында осы терең мағыналы, кең көлемді мәдениетімізге байланысты мақтан етер кезеңдер де, өзек өртейтін қасіретті кездерде аз болмаган. Сондай қасіретке толы дәүірлерде біздің мақтан етер мәдени жетістіктеріміз сырттан келген зорлықшыл күштер әрекеттері нәтижесінде ұмыттырылған, мұндай жағдайда рухани өміріміз де мүшкіл халге душар болған. Нәтижесінде халқымыз отаршылдарға жем болған. Сондықтан да қазақтың рухани элитасының өкілдері, ен алдымен Ахмет Байтұрсынов, отаршылдыққа жем болмау үшін халқын басқалармен салыстырганда мәдени артта қалушылықты жою үшін куреске шақырды. «Қазақ азаматтары, – деп жазды Ахаң «Қалам қайраткерлерінің жайынан» атты мақаласында, – мәдениет жігін жою жолындағы жұмысқа күшін, ісін сарп етуі керек. Басқалармен мәдениеті тенеліп, жарыса, жармаса қүнелтүге жеткен күні қазақтарды қасындағылар қынсылатуын қояды... жеуге женіл тұрғандарды жеу – табиғи іс. Қазақтың бұрын женғендер әлі де зорлық қылып отыр. Қазақ мәдениеті орыстан кем болған соң жем болатыны сөзсіз. Қазақ жем болудан түбінде декрет қуатымен құтылады». Ахаңың бұл мақаласы 1922 жылғы сегізінші шілде күні «Еңбекші қазақ» газетінде (қазіргі «Егемен Қазақстан») жарияланған. Патшалық Ресейдің отарлығынан құтылғанға бес жылдай уақыт өткен және азамат соғысы аяқталысымен кеңестік тоталитарлық жүйенің қалыптаса бастаған кезінде Ахмет Байтұрсыновтың «басқаға жем болмаймын десен, мәдени қуатынды қүшейт» деген халыққа арнаған үндеуі бүгінгі күнде де өзінің өзектілігін жоғалтқан жоқ. ҚР Президенті Н.Ә. Назарбаевтың 2005 жылғы халыққа жолдауындағы: «Мәдени мұра» бағдарламасын іске асырудагы жалғастыра беру, сөйтіп өткенді пайымдау арқылы қазіргі заман мәдениетін жан-жақты дамыту қажет», – деген сөздері осының айғағы, халқымыздың осы екі айтулы перзенттерінің ой-толғаныстары сабактастырының көрінісі болып табылады. Тәуелсіздіктің 18-ші жылында өмір сүріп отырған жас мемлекетіміз басқа жүртқа «жем болмау» үшін, алапат жаһандану үрдісінің барысында халқымыз ұлттық болмысын сактап қалу үшін Ахмет Байтұрсынов түсінігіндегі «мәдениет қуатыныздын» Нұрсұлтан Назарбаев ұғымындағы «қазіргі заман мәдениетімен» ұштастыра, ерістетіп дамытуымыз қазіргі таңдағы басты міндеттеріміздің бірі болғаны ләзім. Бұл үшін «Мәдени мұра» бағдарламасын орындау ісін бірер жылмен шектеп, науқандық әрекетке айналдырмай, ұзак мерзімді әрі кешендей шараптар жүйесін қалыптастырып, жүзеге асыру қажет. Қазір орындалып жатқан бағдарлама аясында қазақ тарихы мен мәдениетіне қатысы бар ауқымды істер атқарылып жатқаны-шындық. Атап айтқанда қазақ тарихына қатысы бар ондаган, тіпті жүздеген мәтіндер шет тілдерден (шығыс, батыс халықтары тілдерінен) қазақ тіліне аударылып, жеке жинақтар түрінде жариялануда немесе жарияланбақ. Алайда осы істе жекелеген «әттеген-айлар» да орын алуша. Мәселен, олардың біразы (тіпті көшілігі десе де болады) түпнұсқадан емес, олардың орысша аудармалары негізінде қазақшаланады. Басқа сөзben айтқанда, олар аударманың аудармасы болып шықты. Сондықтан олардың түпнұсқасы қаншалықты дәл беретінін айту киын.

Халқымыздың сан ғасырлық тарихын өмір шындығына сай зерттеу мен насиҳаттау ұлттық рухты әспеттеуге, тәуелсіз Отанымыздың нағыз патриоттарын тәрбиелеуге қызмет етпек.

Нұрсұлтан Әбішұлы Назарбаевтың «Тарих толқынында» атты кітабының бір тарауын «Ұлттық келбетті ұлықтайық» деп атап көздейсок емес. Онда Республика Президенті тарихи тек-тамыры мейлінше тереңде жатқан, өзінің қазіргі жерінде көне замандардан бері этникалық қауымдастықтың тайпа, ұлыс, халық, ұлт атаптаған сатыларынан өткен қазақтардың ұлттық қуаттылығын ерекше атап көрсеткен. Осындағы қуаттылық берген халқымыздың бір тектестігінің негізінде тіл мен діл бірлігі, әдеп пен дәстүр бірлігі, этно-мәдени кеңістік бірлігі сияқты ұлттық рухтың алтын діңгектері, бағана-тіректері түр.

Ұлттық рухты құрайтын компонентердің бірі, әсіресе ол ұлттық рухты белгілі деңгейде әлсіретеді. Ұлттық рухтан айырылған халық ел болудан қалып, жігерсіз, еріксіз тобырға айналмақ. Басқаның құрығына мойынсұнып, оның жетегінде кете бермек. Сондықтан халқымыздың ұлы перзенттері тарихын түрлі алмағайып кезеңдерінде биік рухты үрпақ тәрбиелеуге мән берген.

Ата-бабаларымыз рухы биік, намысы мен жігері берік халқымыздың қандай қыншылық пен қасіреттерге кездессе де, түбінде қайта түлеп, іргелі ел болатынына, біртектестігін сактап қалатынына сенген.

Тарихымыздың кеңестік кезеңіне дейінгі көптеген ғасырларда халқымыздың басына талай рет ел ретінде жойылып кетердей қауіп-қатер төнген. Мұндай қауіп-қатерлер кешегі КСРО құлағанға дейін де өз күшін жоймаған. Алайда бірде сүрініп, бірде жығылып жүріп, түптең келгенде рухы мықты қалыптасқан халқымыз қайтадан бой қөтеріп, сырттан келген зорлықшыл, озбыр құштерге қарсы тұра білді, түптең келгенде осыдан 18 жыл бұрын тәуелсіздік жолымен қайтадан түлеп, даму жолына түсті.

Қандай елдің болса да, отарлықтан босап, тәуелсіздік алғаннан кейінгі кездегі саяси-әлеуметтік өмірі күрделі болады. Өйткені ол кезеңде елдің экономикасы мен саяси құрылымындаға ғана емес, рухани өмірінде де – бұқараның санасында, ділінде, дүниетанымында күрделі қайта құрулар жүріп жатады. Бәрін де қайта құруға тұра келеді.

Дәл осындағы жағдайды қазіргі кезеңде тұған республикамыз бастан кешуде. Тәуелсіздік жолындағы өткен 18 жылда еліміз әлемдік қауымдастық мойындаған сүбелі табыстарға қол жеткізді. «Біз, - деп көрсетті ҚР Президенті 2005 жылғы халыққа жолдауында, – бірлесе отырып, еркін экономика мен ерікті ұлт жасақтау жолындағы алға жылжымызыға берік негіз жасадық», ал ендігі біздің құн тәртібіміздегі басты мәселе – «Еліміздің экономикалық және саяси дамуындағы түбекейлі жаңа кезең, Қазақстанды одан әрі жаңарту мен демократияландыру» /5/.

Елімізді дамыған, еркениетті елдер қатарына жеткізуге бағытталған міндеттерді шешуге баска да қазақстандықтар қатарында тарихшы ағайындар, жалпы қоғамдық және гуманитарлық ғылым мен білім өкілдері атқарар жұмыстар жетерлік. Олардың ең маңыздыларының бірі Тәуелсіз Қазақстанның шыншыл тарихын жасап, соның негізінде халқымыздың жаңа тарихи санасын қалыптастыру болып табылады. Осы өзекті мәселенің кейбір қырлары жөнінде тыңдармандарға ұсынылып отырылған мақаламызда шамашарқымызша айтып өттік деп ойлаймыз.

Бұғаңға қундері Қазақстанның барлық аймақтарында аты аңызға айналған Абылай ханның 300 жылдық мерей тойы жан-жақты, кең көлемде аталып өтіп жатыр. Кезінде, осыдан он шақты жыл бұрын, ҚР Президенті Н.Ә. Назарбаев: «Иә, Абылай – аңызға айналған тұлға, бірақ біз ата тарихтың бар шындығын ашу үшін сол аңыздан ақиқатты ажыратып алуымыз керек. Және оны өткеннен сабак, тарихтан тағылым алу үшін жасауымыз керек» деп аталатын көлемді мақаласы болды /6/.

Осындағы керемет ойдың занды жалғасы Елбасының үстіміздегі жылдың 2 қазанында барлық БАҚ баспасөз беттерінде жарық көрген, оқырмандар арасында қызу колдау тауып, талқыланып жатқан «Абылай аңсаған азаттық» деп аталатын көлемді мақаласы болды.

Елбасы өз мақаласында Абылай хан мен Бұқар жырау арасында өрбіген тәрбиелік маңызы өте зор, қара халықтың қамын жеген, елді елдікке жеткізуді ойлаған Абылай сыйнды арыстың асыл армандары туралы болған әңгіме жөнінде ой өрбітеді.

Оз тарихында талай рет «мың өліп, мың тірілген» қазақ халқының Абылай хан аңсаған армандарының ішіндегі ең бастысы да, ең қасиеттісі де – елдің тәуелсіздік алуты, жеке ел болып, басқа елдермен терезесі тен болу бақытына жеткеніне аз уақыт бола қойған жоқ.

XVIII ғасыр мен XX ғасырды салыстыра қарайтын болсақ, осы екі кезеңде халқымыздың басынан кешкен ауыртпалығы, қауіп-қатердің орасан зорлығы өте ұқсас келеді екен. XVIII ғасырдың бірінші жартысында жонғар агрессиясының күшеюінің нәтижесінде қазақ хандығының өміріне қауіп төніп, мемлекет ретінде жойылып кетуі әбден мүмкін болды. «Ақтабан шұбырынды – Алқакөл сұламаның» сұрапылында миллионға жуық қазақ қырылды. Жылдан-жылға Ресей патшалығының отаршылдық саясаты қаңарына мініп, түбінде ел тәуелсіздігінен айырып тынды.

Сонда да болса, айбыны асқан батырлар мен ақылды асқан билерді, еніреген ерлер мен шешендігімен елді арттарынан ерте білген данагөй ақындар мен жыраулардың басын біріктіріп, тәуелсіздікті сақтап қалу үшін аянбай ерлік көрсеткен Абылай ханның өмірі біздің ұрпаққа, жалпы ұлтқа өшпес өнеге, зор үлгі болып табылады. Жан-жақтан анталаған жауға берілмей, көреген саясат ұстанған айбарлы Абылай Ресей патшалығына да, Қытай империясына да қарсы күресті. Өз елінің аюдың аузында, аждаһаның қөмейінде кетпеүіне көп күш жұмсады.

Алайда, Абылай хан өмірден өткен соң, ұзақ жылдарғы белсенді түрде жүргізілген патшалықтың отаршылдық саясатының нәтижесінде Қазақстан Ресейге тәуелді болды да, ұзақ уақыт бойы адам төзбес қынышылықтарды басынан кешірді. Патшалық Ресейдің отаршылдық саясатта жүргізген кейбір әдис-айлалары Еуропадағы ағылшындар мен француздардың және испан конкистадорларының әрекеттерінен асып түсті.

Ал XX ғасырдағы Кенестер Одағы тұсындағы жүргізілген қызыл империяның саясаты ақ патшадан да асып кетті. Ешқандай соғыссыз, бейбіт заманда жерінен айырылып, халықтың жаппай аштан қырылуы елдің басына түскен ауыр нәубет еді. Мемлекет түгілі, халық халық ретінде жойылып кетуге шақ қалды.

*Абай атындағы ҚазУПУ-нің Хабаршысы, «Халықаралық өмір және саясат» сериясы, №3(34), 2013 жыл. Қанша қыргынға ұшырап жатса да, қазақ халқы жанкешті соғысын ешқашан тоқтатқан емес. Оған қазақ халқының ақ патша мен қызыл империяның отаршылдық саясатына қарсы болған 300-ден астам ірілік-ұсақты ұлт-азаттық соғыстары мен бас көтерулері күш. 1916 жылы көтеріліп, ақ патшаның тақтан кетуін жылдамдатқан қазақтардың рухы биік қайсар ұрпақтары 1986 жылы қызыл империяның құрып кетуін тездедті.*

Ғасырдан ғасырға созылған, тәуелсіздік үшін курескен халқымыздың, Абылайдай данышпан қайраткерлеріміздің аңсаган асыл армандары тек XX ғасырдың сонына қарай, қазақ халқының маңдайына біткен ақылды да білімді, ержүрек ұрпақтарының арқасында жүзеге асырылды.

Халық тағдыры таразыға түсken шақта елді ешқандай шығынсыз, соғыс қыргынына ұшыратпай аман сақтап қалу, бұрынғы қылышынан қан тамған Кеңестер Одағы мен Коммунистік партияның бұғауынан босату, тәуелсіздікке қол жеткізу сияқты ең қасиетті мәселелер күн тәртібінде тұрды. Бұндай киелі істі орындау қарын қамын емес, халық қамын ойлайтын ерлердің басын біріктіре алатын шебер үйімдастырушы, аса көреген саясаткер, ақылды да білімді, асқан парасатты адамның ғана қолынан келетін еді. Ондай адам көп қындық көрген халқымыздың бағына орай Нұрсұлтан Әбішұлы Назарбаев болатын.

Тұңғыш Президентіміз Н.Ә. Назарбаевтың жүргізіп отырған сындарлы саясатының арқасында Қазақстан құннен-қунге өмірдің барлық саласы бойынша жедел қарқынмен даму үстінде. Елбасының халықаралық деңгейдегі беделінің, дипломатиялық істердегі көрекендігі мен зор қабілетінің арқасында Қазақстанды қазіргі таңда барлық ірі мемлекеттер мойындал, тығыз саяси, сауда-экономикалық және мәдени қарым-қатынастар орнатты.

Елбасының әділдігінің, ақыл-парасатының зор, ой-танымының кемел екендігінің, ғылым мен білімді терең менгергенінің өзі талай қындықты басынан кешірген халқымызға құт-бақыт, дәулет алып келетін, Жүсіп Баласағұн бабамыз айтқандай, әділ заң орнататын, кедей халықты бай ететін, халық санын қебейтетін көрнекті тұлға екенін көрсетеді.

Нұрсұлтан Назарбаевтың алыстан толғап, алдағыны болжайтын ақыл-оый алғыр, келешекті көре билетін парасат-пайымы шалқар, өз заманының занғар тұлғасы екенін айдай әлем мойындал отыр. Мысалы, саясат майталманы, әйгілі «темір-леди» Маргарет Тэтчердің «Қазақстан басшысы – әлемдегі ең үздік бес-алты қайраткердің бірі» деп бағалауы тегінен тегін емес. Мұндай бағаны Ресейдің, Қытайдың, АҚШ-тың, Германияның, Туркиенің және басқа да әлемнің ең ірі мемлекеттерінің бірінші басшыларының ауыздарынан естіп, Елбасымыздың әлемдік деңгейдегі аса ірі саяси тұлға екеніне күш болып жүрміз.

Эрине, осындағы жүрекжарды пікірлер Елбасының басшылығымен Қазақстанның ішкі және сыртқы саясатта аз уақытта жеткен мол жетістіктеріне берілген әділ баға деп түсінген дұрыс.

Қазақстанның бүгінгідей биікке көтеріліп, бүкіләлемдік беделге ие болуы онайтықпен келген жоқ. Бұл жолда ең алдымен Елбасымыз тұн үйқысын төрт бөліп, терең толғанды, тебірене ойланды, тер төгіп, еңбек етті. Оның үлкен жүректі аbzal азамат, халқының аманатын қайыспай көтеретін нар тұлға, жаңа тұрпатты мемлекет қайраткері ретінде еліміздің игілігіне сінірген ерен енбегі әмбеге аян.

Еліміздің елең-алаңында, тәуелсіздігіміздің алғашқы кезеңінде Қазақстанның келешегі мен өміршендеғіне күмән келтіргендер аз болған жоқ. Алайда ел басшысы ішкі тұрақтылықты, ұлтаралық татулықты сақтаудың тетігін тауып, қазақ халқының ұлттық өрлеуіне жол ашып берді. Осы арнада нарықтық экономиканы өрістетіп, демократиялық қоғам құруға бағытталған реформаларды батыл жүргізіп, дәуір талабына сай қарыштап ілгері басуга жағдай туғызды. Соның арқасында еліміз өз өнірінің ең еркенді мемлекеті ретінде дүниежүзілік аренадан лайықты орын алып отыр. Қазақ ұлты осында мемлекеттікке айбарлы Абылай заманынан-ақ лайық еді ғой. Ал тәуелсіздік ұлттығымызды ұлықтап, өзімізді-өзіміз танып білуге, қадір-қасиетімізді құрметтеп, жалтақсыз жарқын өмір сүрге, еркіндіктің нұр шапағынан нәр алып, ертеңізігे енселеңе қарауға үйретті. Сайып келгенде, бұл – есімдері ғасырлар койнауына сініп, тарих сабагына айналған Абылай сынды ата-бабаларымыздың арман-аңсары болған тәуелсіздік емес пе! Атабабаларымыз аңсаган сол тәуелсіздіктің көк байрағын көкке көтеріп, еркін еліміздің аспанында асқақтата желбірету біздің ұрпаққа бұйырған екен. Бұл ұрпақтың көшбасында елі үшін еніреп туган асыл азамат, заманының да, қоғамының да ту ұстаушысы Нұрсұлтан Әбішұлы Назарбаев келеді!

1. «Ана тілі» газеті, 2005, шілденің 7-13-і.
2. Назарбаев Н.Ә. Тарих толқыннанда. – 273 б.
3. «Егемен қазақстан», 1998. 16 қаңтар. Газет ішіндегі кітап.
4. «Егемен Қазақстан», 13.10.2004.
5. ҚР Президенті Нұрсұлтан Назарбаевтың Қазақстан халқына жолдауы - А., 2005, - 12-13 беттер.
6. Назарбаев Н.Ә. Абылай аңсаган азаттық. «Егемен Қазақстан», 2013 жыл, 02 қазан.